

欽定石渠寶笈三編

歷代帝王像 一冊

〔本幅〕絹本。十九對幅。皆縱一尺三寸五分。橫一尺六分。設色畫歷代帝王半身像三十有七。各像標題。一。太昊宓犧氏。風姓。以木德王。生而神明。德合天地。因河圖洛書而作八卦。更造書契。以代結繩之政。由是文籍生焉。蓋非特為萬世字書之祖。實開物成務之學也。造化之祕泄於此。聖道之統亦肇於此矣。又

教民。黍六畜。充庖廚。享神祇。故又號庖犧氏。
焉。炎帝神農氏。姜姓。火德王。斲木為耜。揉
木為耨。以教天下之耕。日中為市。致民聚貨。
交易而退。嘗百草。品醫藥。以濟疾病。此後世
農商鑒之所由起也。又作五絃之琴。詠豐年
之歌。故號焉。三黃帝。軒轅氏。姓公孫。土德王。
弱而能言。長而敦敏。成而聰明。炎帝既衰。諸
侯肆暴。乃修德治兵。殲蚩尤。而天下歸之。舉

風后力牧。以為佐輔。命容成造律。歷隸首作
算數。伶倫製律呂。實為文明之始。宮室書契。
章服畢具。貴賤等分。羣生安樂。鳳巢龍遊。非
前樸野之俗矣。四少皞金天氏。姬姓。金德王。
時以九黎亂德。神惑巫怪。災禍荐至。乃修太
白之法。象日月之明。鳳鳥適至。為歷正焉。五
顓頊高陽氏。姬姓。水德王。為民師。以命民事。
淵靜有謀。疏通知遠。養材任地。履時象天。治

氣以化。誠絜以祭。萬物有序。民安其生。六帝

嚳。高辛氏。姬姓。木德王。生而神異。自古

當作言

其名聰以知遠。明以察微。順天之義。知民之

急。仁而威。惠而信。修身而教萬民。執中而徧

天下。日月所照。風雨所至。莫不服從。七帝堯

陶唐氏。伊祁姓。名放勳。火德王。其仁如天。其

智如神。就之如日。望之如雲。所居之宮。茅茨

不剪。土階三等。下

當作

姓安樂。日出而作。日

入而息薦舜以天俾襲帝位。後世言雍熙之
治者莫不以堯舜為首焉。八帝舜有虞氏姚
姓名重華火德王父頑母嚚象傲常欲殺之。
克諧以孝蒸蒸乂不格姦孝聞於堯欲異位。
四岳咸薦釐降二女以試命總百揆百揆時
敘慎徽五典五典克從賓于四門四門穆穆
納于大麓烈風雷雨弗迷仁以恤五刑之用。
義以斷四罪之誅而天下咸服矣。九禹姁姓。

名文命金德王初嗣父職以司空治水克勤
敏給勞身焦思居外十三年過家門而不入
別九土開九州定貢脫當作稅立經制惜寸陰
興學校泣罪人絕旨酒聲為律身為度垂法
萬世焉家天下傳十七王合四百三十二年
矣十殷湯姓子氏名天乙又名履盤庚前國
號商水德王舉伊尹之賢去三面之網諸侯
咸歸之早當作旱以六事自賢當作責言未已大

雨方數千里窮夜旦之所思而汲汲焉立賢
無方旁求俊乂而天下太當作大治傳三十八
君享國六百四十四年十一周文王姬姓名
昌木德王勸農桑定井田關市不征澤梁無
禁仕者世祿罪人不孥發政施仁必先鰥寡
演卦作辭垂世立教道化所被當作被者廣矣
十二武王名發纘承文王之業以太公為師
周公為輔始伐紂革命踐天位而朝諸侯釋

箕子囚封比干墓。散財發粟。大賚四海。萬姓
悅服。傳三十五主。享國八百六十七年。十三
漢高祖。姓劉氏。名邦。豁達大度。寬仁愛人。好
謀能斷。知人善任。削除秦亂。平定羣雄。五載
而成帝業。雖日不暇給。規模宏遠。而禮文制
度。不能復古。君子惜之。兩漢歷二十四帝。四
百六十九年。十四。漢文帝。名恒。承惠帝。高后
之緒。掃除煩苛。與民休息。加以恭儉。專務德

化。由是海內富庶。興於禮義。幾致刑措。至於
禮樂制度。則謙遜未遑矣。十五。漢景帝。名啟。
既即位。首賜民爵。除田半租。定律從輕。移風
易俗。黎民醇厚。可謂善矣。然於君臣父子昆
弟夫婦之間。未免少恩。其視乃考。蓋不侔矣。
唯恭儉養民。克遵洪業耳。十六。漢光武。名秀。
字文叔。景帝子長沙定王發之後。受書通大
義。王莽篡祚。起兵平亂。即位洛陽。聖德龍興。

不階尺土。才明勇畧。開心見誠。恢廓大度。同
符高祖。十七。漢昭烈。姓劉氏。名備。字元德。中
山靖王之後。以諸葛亮為相。許靖為司徒。信
義著於天下。名正言順。據蜀為國。三分鼎峙。
再傳摠四十二年。十八。吳大帝。孫姓名權。字
仲謀。承父兄餘烈。大有荆揚。任用賢俊。謀謨
勇畧。迭出於中。赤壁之勝。竟推大敵。雄據一
方。卒成霸業。四傳而六十年。十九。東晉元帝。

名春。當作琅琊恭王覲之子也。時王室危亂。

泉。誤字鎮建鄴。愍帝遇害。始即位。紹統。儉口布。

素。禮任賢臣。詳刑簡化。光啟中其。當作然儉。

有餘而武不足。惜哉。而。傳十一帝一百

四十年矣。二十。南朝宋武帝。姓劉氏。名裕。字

德興。當作小字寄奴。生有神光照室。長雄傑。

大度。風骨奇偉。不事廉隅小節。仕晉累封宋

王。削平寇亂。興復晉室。及即帝位。清簡寡欲。

嚴整法度。政事修明。可為良主。然二子不得
其死。六君致乎非命。豈不為多殺之報也。而
傳八主五十九年。二十一。宋文帝名義隆。涉
經史。善隸書。其在江陵。禎符多集。十八即位。
用賢討逆。首正典刑。仁厚恭儉。元嘉之司號
為善治。厥後延寇納侮。政亦衰矣。二十二齊
高祖。姓蕭氏。名道成。字昭當作紹伯。仕宋累封
齊王。當作王廢宋自立。以身率下。以儉化人。每

曰若我治天下十年當使黃金與土同價咨訪得失信任臣佐粗足稱耳七傳二十三年視六朝最為促祚二十三梁武帝姓蕭氏名衍字叔達生有異光日角龍顏有文在手曰武士齊累立戰功廢巴陵王而自立用齊宗族待以赤心至於老死南北以降最為忠厚選廉平立學校江左無事二百年間未有盛於斯者然而捨身佞佛仁而無斷卒之餓死

臺城為天下笑。哀哉。四傳五十五年。二十四
陳武帝。姓陳氏。名霸先。字興國。仕梁。脫一字一侯。
景封陳王。廢其主而自立。雄武英畧。仁愛儉
素。無聲色之樂。無金玉之飾。粗為可取。然出
佛牙。設大會。亦愚矣哉。五傳三十二年。二十
五。隋文帝。姓楊氏。名堅。以周靜帝元舅。秉國
政。封隋王。尋篡周而立。混一南北。遂為正統。
減賦役。而罷酒鹽之權。修律省刑。備荒積粟。

可謂良主然自以詐力得天下猜忌苛察信
受讒言功臣故舊無始終保全者此其所短
也三傳三十八年二十六唐高祖姓李氏名
淵仕隋留守太原煬帝南巡不返值亂起義
立恭帝封唐王尋即帝位降殄羣雄海內咸
服定律令興學校舉明經立官制作均田租
庸調法迹其成功之速盖以太宗為之子也
傳二十世二百九十年二十七唐太宗名世

民生四歲有書生曰龍鳳之姿天日之表年
幾弱冠必能濟世安民故命之年十八起兵
晉陽削平僭亂克建洪業神謀武畧出人意
表雖武功定禍亂終以文德綏海內重道尊
儒容受直諫魏徵勤行仁義卒從其言馴致
天下大稔米斗三錢終歲斷死刑纔二十九
人東至於海南及五嶺皆外戶不閉行旅不
賫糧取給於道路其致治之效三代以還未

之有也。二十八。唐元宗。名隆基。始親政事。勵
精為治。禁女樂。出宮人。毀服玩。焚珠玉。友愛
敦睦。內外均式。搜遺書。註孝經。二十餘年。華
夷悅服。及其志欲既滿。侈心乃生。廢后殺子。
寵愛壽妃。率當作卒致祿山之禍。以成幸蜀之
變。可不戒歟。二十九。唐憲宗。名純。首用忠良。
斥逐羣小。從杜黃裳請。削平醜逆。威令幾振。
既而驕侈寢生。漸興土木。以金丹而貴方士。

因佛骨而貶賢臣。其後卒死於宦官之非命。
哀哉。故傳曰。素絲無常。惟所染之。憲宗有焉。
三十唐宣宗名忱。嚴重寡言。初為大當作太叔
堅當作監國。憂感滿容。接遇羣僚。裁決庶務。始
見隱德。既即位。閔災減膳。任賢使能。嘗書貞
觀政要於屏風。每正色拱手而讀之。故大中
之政。人思詠之。謂之小太宗云。三十一閩王
審知。姓王氏。初兄潮自唐攻苑口。奄有閩國。

加威武節度使。進瑯琊王。朱溫開平間封閩
王。至晉出帝開運三年。傳二十世滅之。句有
凡六主。合五闕下三十二。闕上有後主名煜。字重
光。景之第六子也。祖昇。石晉時受吳禪。煜豐
額。駢齒。一目重瞳。嗣位金陵。用徐鉉。鉉當作等
為副。至宋太祖時。遣曹彬征之。煜降。封違命
侯。三傳五十九年三十三。宋太祖姓趙氏。名
匡胤。生於洛陽夾馬營。赤光滿室。及長。容貌

雄偉器度豁如仕周為殿前都點檢命率禁
兵禦契丹見日下復有一日黑光摩盪夕次
陳橋驛衆共推戴及入京師秋毫無犯遂即
帝位以火德王國號宋傳世十六三百一十
七年三十四宋仁宗名禎真宗子也年十三
即位初母后臨朝政非己出慶厯己後君子
滿朝恭儉仁恕愛人恤物之心終始如一晏
駕之日雖深山窮谷之民莫不奔走悲號其

得人心如是。嗚呼仁哉。三十五。宋高宗名構。徽宗第九子也。雖能中興而無撥亂之才。信任奸邪。惑於和議。雖有李綱張浚之相。張韓劉岳之將。不能復尺寸之地。稱臣奉貢。忘不共戴天之讐。由其本心畏懦。剛果不足故也。先是兩京不及顧。蓋宗澤之喪早。惜哉。三十六。宋孝宗名瑗。太祖七世孫。高宗育之於宮中。立為皇太子。性至孝。事上皇二十六年。孝

養備至。升遐之日。哀慕尤切。特行三年之喪。有恢復之志。值金主雍之賢。無釁可乘。南北講和。俱得休息。千載以來。孝親之君一人而已。三十七。宋寧宗。名擴。光宗子。謙恭仁恕。柔而少斷。受制權奸。玩兵致寇。逆斥忠良。廢黜正學。邪佞得志。人民怨嗟。自是金人犯邊疆。場日蹙。而國勢漸危。雖有小善。不足稱也。三十八。空幅。

宋朝帝像 一冊

本幅八對幅皆縱一尺七寸二分橫一尺四寸五分右幅絹本設色畫宋帝半身像十有

六

冠服與各軸全身像同詳後各軸

左幅紙本楷書標題一

宋朝宣祖皇帝姓趙氏諱宏殷涿郡人仕周為馬軍都指揮使娶杜氏太祖即位追尊為宣祖昭武皇帝二宋朝太祖皇帝宣祖長子諱匡胤仕周為殿前都點檢代周有天下在

位十七年。起建隆元年庚申。終開寶九年丙子。三。宋朝太宗皇帝。宣祖次子。太祖弟。諱炅。初諱匡義。混一天下。在位二十年。起太平興國元年丙子。終至道三年丁酉。四。宋朝真宗皇帝。太宗子。諱恒。在位二十五年。起咸平元年戊戌。終乾興元年壬戌。五。宋朝仁宗皇帝。真宗子。諱禎。在位四十一年。起天聖元年癸亥。終嘉祐八年癸卯。六。宋朝英宗皇帝。太宗

曾孫父濮王允讓諱曙在位四年起治平元年甲辰終治平四年丁未七。宋朝神宗皇帝。英宗子諱頊在位十八年起熙寧元年戊申終元豐八年乙丑八。宋朝哲宗皇帝神宗子諱煦在位十五年起元祐元年丙寅終元符三年庚辰九。宋朝徽宗皇帝神宗子哲宗弟諱佖在位二十五年起建中靖國元年辛巳終宣和七年乙巳十。宋朝欽宗皇帝徽宗子。

諱桓。在位二年。起靖康元年丙子。

當作午。

終靖

康二年丁未。十一。宋朝高宗皇帝。徽宗子欽
宗弟諱構。渡江在位三十六年。起建炎元年
丁未。終紹興三十二年壬午。十二。宋朝孝宗
皇帝。太祖七世孫。父秀王。子偁。諱昚。在位二
十七年。起隆興元年癸未。終淳熙十六年己
酉。十三。宋朝光宗皇帝。孝宗子。諱惇。在位五
年。起紹熙元年庚戌。終紹熙五年甲寅。十四

宋朝寧宗皇帝。光宗子。諱擴。在位三十年。起
慶元元年乙卯。終嘉定十七年甲申。十五。宋
朝理宗皇帝。太祖十世孫。父榮王希璠。諱昀。
在位四十年。起寶慶元年乙酉。終景定五年
甲子。十六。宋朝度宗皇帝。太祖十一世孫。理
宗弟福當作王興當作芮之子。諱鏐。當作在
位十年。起咸淳元年乙丑。終咸淳十年甲戌。

元朝帝像一冊

本幅八對幅皆縱一尺八寸五分橫一尺四寸八分右絹本設色畫元帝半身像八。太祖冠皮冠服柘黃袍。二太宗冠服同。三世祖冠七寶重頂冠袍色淺紅。四成宗紫袍冠同。五武宗。六仁宗。七文宗冠服並同前。八寧宗綠袍冠同。左紙本楷書標題。一元太祖皇帝。即青吉思汗。諱特穆津。在位二十二年。父曰。

伊蘇克伊。是為烈祖皇帝。起宋寧宗開禧二年丙寅。金章宗泰和六年。終宋理宗寶慶二年丁亥。金哀宗正大四年。二。元太宗皇帝。諱
諤格德依。太祖第三子。在位十三年。起宋理宗紹定二年己丑。終宋理宗淳祐元年辛丑。金正大六年。三。元世祖皇帝。即色辰。諱呼必
賚。睿宗第四子。在位三十八年。起宋理宗景定元年庚申。終於元貞三年乙酉。四。元成宗

皇帝。即諤勒哲依圖。諱特穆爾。世祖曾孫。在位十一年。起元貞三年乙酉。終大德十一年丁未。五。元武宗皇帝。即庫魯克。諱海桑。成宗長子。在位六年。起大德十一年丁未。終至大五年壬子。即皇慶元年。六。元仁宗皇帝。諱阿裕爾巴里巴特喇。成宗次子。在位九年。起至大五年壬子。終延祐七年庚申。即至治元年。七。元文宗皇帝。即濟雅圖。諱托克特穆爾。武

宗子。在位六年。起至和元年戊辰。終至順四
年癸酉。八元寧宗皇帝諱伊埒哲伯。明宗次
子。在位一月。

明帝后像 二冊

本幅絹本。二冊十九對幅。

內下冊第六第七對幅紙本。

上

冊九對幅。皆縱二尺四分。橫一尺六寸。下冊

八對幅。第六第七對幅。縱二尺二寸九分。橫

二尺三寸五分。餘同上冊。設色畫明帝半身

像十有三。

冠服與各軸像同。詳後各軸。

明后半身像二十。

高后黃團衫霞帔。餘皆翟服。各幅泥金楷書

籤題。上冊一。大明太祖高皇帝。孝慈高皇

后。三。大明太宗文皇帝。四。仁孝文皇后。五。大明
仁宗昭皇帝。六。誠孝昭皇后。七。大明宣宗
章皇帝。八。孝恭章皇后。九。孝惠皇后。十。大明
英宗睿皇帝。十一。孝莊睿皇后。十二。大明憲
宗純皇帝。十三。孝貞純皇后。十四。孝肅皇后
十五。大明孝宗敬皇帝御容。十六。孝康敬皇
后。十七。大明武宗毅皇帝御容。十八。孝靜毅
皇后。內第五第八對幅左空下冊一。大明世宗肅皇帝。

二。孝潔肅皇后。三。孝恪皇后。四。大明穆宗莊
皇帝。五。孝懿莊皇后。六。孝安皇后。七。孝定皇
后。八。大明神宗顯皇帝。九。孝端顯皇后。十。孝
靖皇后。十一。大明光宗貞皇帝。十二。孝元貞
皇后。十三。孝和皇后。十四。孝純皇后。十五。大
明熹宗慈皇帝。

內第二第六第
八對幅左空

宋后像一冊

本幅絹本六對幅。皆縱一尺七寸四分。橫一尺四寸二分。設色畫宋后像十有二。各像籤題一。宣祖皇帝后。宋太祖母。二。真宗皇帝后。三。仁宗皇帝后。四。英宗皇帝后。五。神宗皇帝后。六。哲宗皇帝后。七。徽宗皇帝后。八。欽宗皇帝后。九。高宗皇帝后。十。孝宗皇帝后。十一。光宗皇帝后。十二。寧宗皇帝后。俱半身像。

冠服
與各

軸全身像同
詳後各軸

謹案冊內所繪宋諸帝后俱止一像考宋史
宣祖英宗欽宗先宗皆一后宣祖妃杜氏初
封南陽夫人太祖即位追謚皇太后謚明憲更謚昭皇帝
廟號宣祖追尊母為皇太后聖烈欽宗皇后朱
憲英宗皇后高氏謚宣仁皇后李氏謚慈
氏謚仁懷隨欽宗北遷光宗皇后李氏謚慈
懿此據史可定像為某后者也仁宗哲宗皆
二后仁宗郭皇后被廢追復無謚曹皇后孟皇
慈聖光獻郭氏既廢此像應是曹皇后孟皇
后謚昭慈聖獻一再見廢至康王即位尊為
隆祐太后今像猶是道家装束疑被廢時所
繪或孟后以曾見廢不欲盛飾遺令如此若
昭懷劉后以構孟后代立政和三年作神御
殿曰柔儀其繪像不應如此此雖一二后亦據

史可定係為某后者也。至於真宗三后一潘
皇后。謚章懷。係追尊。一郭皇后。謚章穆。一劉
皇后。謚章獻明肅。神宗三后。一陳皇后。謚
聖憲肅。一朱皇后。係追尊。徽宗三后。一陳
朱陳二后。鄭皇后。係追尊。徽宗三后。一王
恭一鄭皇后。謚顯肅。一韋皇后。謚顯仁。鄭
二后。俱隨徽宗北遷。鄭后不歸。韋后還宮。高
宗二后。一邢皇后。謚憲節。一吳皇后。謚憲
慈烈。邢后從三宮北遷。不歸。孝宗三后。一
皇后。謚成穆。係追尊。一夏皇后。謚成恭。一
皇后。謚成肅。寧宗二后。一韓皇后。謚恭淑。
楊皇后。謚恭聖仁烈。今像俱止存一。難據史
傳。懸定為某后矣。

[illegible]

元后像一冊

本幅絹本八對幅。皆縱一尺九寸。橫一尺五寸八分。設色畫元后半身像十有六。各像籤題。一世祖皇帝后。徽伯爾。二順宗皇帝后。塔濟。三武宗皇帝后。珍格。四武宗皇帝后。五武宗皇帝后。濟雅圖。皇帝母。六仁宗皇帝后。七英宗皇帝后。八英宗皇帝后。九明宗皇帝后。十寧宗皇帝后。額森圖。嚕默色。十一后納罕。

十二。十三。十四。十五。四后像無籤題各像首
服用紅羅束髮。戔戔然高尺許。至頂指而下。
頂植小玉塔。及五彩羽。前後綴珠翠花朵。以
帶繫髮際。帶兩端下垂及肩。又以金色羅紅
托裏。高寸許。攏髻上綴明珠。作葵花方勝樣。
覆髮際。旁繞兩耳。與耳環珠琲相接。下承頤
如瓔珞羅。兩端後垂及肩。再以紅羅抹額。或
方空有花。微露鬢痕。袍色大紅。織金為緣。間

有紫與黃及茜色者十六空幘

謹案世祖元史表作察必皇后察必今譯
改徹伯爾順宗后元史傳作昭獻元聖皇后
名答己初為順宗妃生武宗及仁宗武宗立
尊為皇太后答己今譯改塔濟武宗后元史
表作為真哥皇后真哥今譯改珍格又武宗后
濟雅圖皇帝母濟雅圖元史作札牙篤為文
宗廟號一考武宗三后又二妃追尊為后今
止存三一珍格一唐古氏即文宗母其一標
載未注明不知所屬仁宗凡二后一為阿南
達實哩皇为一為達爾瑪實哩皇今像止
存一英宗凡三后一一為蘇喀巴勒皇后一為
雅本呼圖克皇为一為多爾濟巴勒皇后今
像止存二明宗自溫綽寬皇后至瑪里達皇
后凡八后今像止存一以上四像標載未注

明不知所屬寧宗后元史語解作塔哩雅圖默色今標戴
失皇后元史默色此下一像標戴止后納罕
作額森圖嚕默色此下無納罕皇太后惟世祖
有三字考元史后妃表傳無近然像次寧宗後
有奴罕皇太后與納罕音相近像次寧宗後
則又非是後四像俱無標戴不可考矣又
案元史輿服志不紀后妃服飾永樂大典
字韻載蒙古冠服引折后志云呂呂以大紅
羅幔之胎以竹涼胎者輕上等大次中次小
以以大珠綴長條緣飾方絃掩絡其絃又以前後
以珠綴帶又以金累事件用安鈕筒以帶冠小
花朶尾朶朶帶後上揀朶朶翎鬼染以五色如飛
難尾朶朶帶後上揀朶朶翎鬼染以五色如飛
扇樣先戴上紫羅脫木華以大珠穿成九珠
方勝或疊勝以葵大珠環益之以掩其耳在內
處安一小紐以葵大珠環益之以掩其耳在內

欽定續

自耳至頤下光彩眩人環多是大塔形葫蘆
環或是天生葫蘆或四珠或天生茄兒或一
珠然後以大長帛御羅束髮高尺許者名吾
則諸后像之以紅羅束髮高尺許者名吾
以金色羅攏髻上綴大珠者名脫木華恭讀
通志器服略后妃命婦首飾服章制度元后
妃及大臣正室皆戴古庫勒衣大袍則吾
當譯改古庫勒矣



元后妃太子像 一冊

本幅紙本七對幅

內第二幅絹本

皆縱一尺二寸八

分橫九寸四分設色畫元后太子半身像十
有四。一。后像無籤題。二。籤題仁宗皇帝后。三。
英宗皇帝后。四。武宗皇帝后。濟雅圖皇帝母。
五。武宗皇帝后。六。明宗皇帝后。七。英宗皇帝
后。八。后納罕。九。十。十一。后像無籤題。十二。空
幅。十三。籤題平王諾木干。世祖皇帝第四子。

十四。雅克特古思。文宗太子。后服飾詳前冊。
諾木干冠簷帽。袍色大紅。雅克特古思冠釧。

笠。袍色淺紅。

謹案諸后世次。應先武宗二后。次仁宗后。次英宗二后。次明宗后。今冊中前後失次。當由錯裝。又案諾木干。元史作那木罕。元史語解作諾木罕。致元史宗室世系表。世祖皇帝十子。次四北安王。那木罕。次七西平王。與魯赤。今標籤以諾木干為平王。疑誤。又元史表。文宗皇帝三子。次二燕帖古思。太子早隕。燕帖古思。今譯改雅克特古思。

聖君賢臣像 一冊

本幅絹本二十三對幅皆縱八寸六分橫六寸七分白描聖君賢臣半身像四十有六各像籤題一伏羲二神農三黃帝四少昊五帝堯六帝舜七夏禹八成湯九文王十武王十一成王十二宣王十三漢高祖十四文帝十五景帝十六武帝十七宣帝十八光武十九明帝二十蜀先主二十一吳帝二十二晉武

帝二十三。元帝二十四。明帝二十五。唐高祖
二十六。太宗二十七。元宗二十八。德宗二十
九。伯夷三十。叔齊三十一。姜太公三十二。周
公三十三。老子三十四。孔子三十五。顏子三
十六。孫武子三十七。伍員三十八。孟子三十
九。列子四十。莊子四十一。鬼谷子四十二。蘭
相如四十三。屈原四十四。張良四十五。蕭何
四十六。韓信。

歷代聖賢像
一冊

本幅紙本三十一對幅皆縱一尺三寸五分
橫一尺二分設色畫歷代聖賢半身像六十
有一各像標題一。倉頡四目。生於軒轅時已
建左右史以記言動。倉頡詛當作誦實當其
任。始因鳥跡而作字。是時天雨粟。兒當作鬼夜
泣。世人咸稱字從其制。謹按伏羲時已有書
契。為萬世文字之祖。蓋亦因其文而增創耳。

耳字

耶。二咎繇。舜時舉用之。而不仁者遠邁。

種德之

行之字

乃降。為士師。帝曰。惟茲臣庶。罔

或干予正。汝作士。明於五刑。以弼五教。期於

予治。刑期於無刑。民協於中。時乃功。厯

懋當作

哉。三。后稷名棄。善相土宜。教民耕稼。播種百

穀。每思天下有饑首。

當作者

由已饑之也。其牧

民之急如是。舜乃命之曰。黎民阻饑。汝后稷

播是百穀。又曰。暨稷播奏庶艱。

下脫食字

懋遷有

無化居。烝民乃粒。萬邦作人。當作四契。舜司

徒之職。命之曰。百姓不親。五品不遜。汝作司

徒。敬敷五教在寬。又曰。父子有親。君臣有義。

夫婦有別。長幼有序。朋友有信。迹其司徒之

職。於周禮稱地官。掌建邦之典。與其人民數。

以佐王安擾邦國。以天下土地之圖。周知九

州地域廣輪之要。辨其山川林澤。江陵墳衍

原隰之名物。當作辨其山林川澤邱而契之

陵墳衍原隰之名物

職得民稱焉五尹

尹上當有伊字

耕於有莘之野有

元聖之德樂堯舜之道於畎畝之中湯三使
往聘學焉而後臣之嘗薦於夏醜夏復歸因
說湯以伐夏湯立遂相之湯崩後太甲立不
明於德居憂桐宮三年悔過自艾乃具袞冕
奉歸還政修德諸侯歸之此太甲三篇之所
以作也六傳說有賢德殷高宗夢得良弼曰
說以為胥靡築於傅巖求得之立為相故書

曰○若濟巨川○用汝作舟楫○若歲大旱○用汝作
霖雨云○七○太公姓姜氏○名子牙○又名呂尚○釣
於磻溪之慈水○得玉璜○刻曰周受命呂佐○西
伯出獵○卜之曰○所獲非龍非麗○當作非虎非
羆○霸王之輔○遇於渭陽○曰○吾太公望子久矣○
故號太公望○載歸立為師○謂之尚父○作六韜
兵畧○立九府國○當作法○封於齊○而遺高姓焉○
八○周公名旦○文王子○武王弟○成王叔也○成幼

周公為冢宰攝故

政當作

管蔡流言曰公將不

利於孺子遂作亂公東征誅管蔡成王既長公乃歸政初武王有疾公作策請以身代策藏金縢疾果瘳後成王得策執以泣請公還公乃作無逸之書以訓焉九老子姓李氏名耳字伯陽諡曰聃周守藏史也孔子適周問禮老子對曰君子得其時則駕不得其時則蓬累而行良賈深藏若虛君子盛德容貌若

愚。吾所以告子者。若是而已。孔子去。謂弟子
曰。鳥。吾知其能飛。魚。吾知其能遊。獸。吾知其
能走。皆可以網繪。當作繪。矰之。至於龍。吾不知
能。當作能。知其乘風雲而上天。今見老子。其猶龍
耶。十。孔子名丘。字仲尼。周靈王二十一年庚
戌。三月初四日午時生。父叔梁紇。禱於邱尼
當作邱。山神而生。故名。為中都宰。制養生送死
之節。為魯司寇。攝相事。誅亂政大夫少正卯。

閒居問禮致思辨政好生親射

句有周遊四
脫誤

方乃論百家考其義祖述堯舜憲章文武刪

詩述書定禮樂作春秋讚易道垂訓遺法其

文著矣所教三千之徒身通六藝者七十有

二人及其末年逍遙於門而歌曰泰山其頽

乎梁木其壞乎哲人其萎乎而俎

當作俎

實敬

王壬戌夏四月初四日午時也塋泗水上唐

元宗始謚曰文宣王宋真宗加謚至聖元武

宗以先孔子而聖者。非孔子無以明。後孔子
而聖者。非孔子無以法。肆尊諡曰大成也。盛
乎大聖之德。後世無以加。先聖之後代為曲
阜令襲封衍聖公云。十一。屈原名平。楚之同
姓也。為懷王佐。當作左徒拜立。當作三閭大夫。博
聞強志明於治亂。嫺於辭令。同列爭寵。心害
其能。邪曲害公。方正不容。故憂愁幽思而作
離騷。遷之江渚。被髮行吟澤畔。文。當作又作懷

沙之賦。自沉於汨。當作汨羅馬。十二張良。字子

房。為韓公子。遇老父於圯格。字有誤予書一帙。

亦可怪矣。及高祖而因。二字當作離因者數。而良常

有功力焉。豈可謂非天下乎。當作乎故帝曰。天當作

夫運華。當作華帷幄之中。決勝千里之外。吾不

如子房。以為其人魁於梧。當作梧奇偉。若美婦人

矣。孔子曰。以貌取人。失之子羽。留侯亦云。後

即導引辟穀。不食。從赤松子遊。所謂明哲保

身者焉。考其所受兵法有云。君無疑於日月。

無從於君國定矣。安臣以憂遇自之素也。數句

疑有十三。東方朔。漢武帝時士。當作書年十

三學書。三冬文史足用。常自譽曰。目若懸珠。

齒若編貝。當作勇若孟賁。捷若慶忌。廉若鮑

叔。信若尾生。若是可為天子太。當作臣矣。又

云佚。當作儒飽欲死。臣朔饑欲死。臣言可信。

幸異其禮。遂待詔金馬門。拜太史令。十四董

仲舒少治春秋為博士。時以講誦弟子以次授業。莫見其面。進退容止。非禮不行。學者師尊之。孝武時舉賢良對策。上疏條教凡百二十三篇。說災異得失。竹林之屬。復數十篇。十餘萬言。多切於時政。自古廷對之士。不能過焉。為江東當作都膠西相。病免歸。不問家業。專以修學著書為事。朝廷大議。遣使就問。對皆明法也。十五司馬遷字子長。父談。建元中為

太史令。遷尊稱為太史公。論六家要義。偏當作

編。歷江淮。上會稽。探禹穴。窺九疑。浮沅湘。北

涉汶泗。講業齊魯。鄉射鄒嶧。過梁楚。以歸。太

初中。為太史令。因論李陵下腐刑。發憤修史。

實錄。有良史才。後世作史者。皆取法焉。十六

楊雄。字子雲。少好學。口吃不能劇談。居岷山。

有田一廬。宅一區。漢成帝時。召為待詔。奏甘

泉四賦。家貧嗜酒。好事者或載酒從之。校書

天祿閣後仕莽。故朱子綱目曰莽大夫死云。十七。嚴子陵字光。有高名。與光武同學。帝即位。累徵不至。披羊裘釣澤中。乃備安車元纁聘之。三反乃至。除諫議大夫。不屈。畊於富春山。名其釣處為嚴陵瀨云。十八。諸葛亮字孔明。寓居南陽隆中。漢建安中。徐庶稱於漢王曰。諸葛孔明卧龍也。遂往見之。三顧乃起。宰割山河。三分天下。身都將相。手握重兵。亦何

求不得。何欲不遂。乃與後主言。成都有桑八百株。薄田十五頃。子孫衣食自有餘饒。臣身在外。別無調度。不別治生以長尺寸。若死之日。不使廩有餘粟。庫有餘財。以負陛下。及卒。果如其言。故朱子稱曰。如此輩人。真可謂大丈夫矣。觀其出師之表。八陣之圖。與夫木牛流馬。擒縱之節。至今猶使人凜凜有生氣也。十九。王羲之。字逸少。為右將軍。會稽內史。上

已日與同寮宴於山陰之蘭亭。各賦詠成篇。
帙。少時學書。池水盡黑。草隸為古今之冠。論
者稱其筆勢飄若浮雲。矯若驚龍。又曰。烟霏
霧結。若斷而連。鳳翥龍蟠。斜而反正。二寸陶
淵明。晉名也。在宋易名潛。字元亮。世號靖節
先生。著五柳傳。親老家貧。謂人曰。聊欲絃歌
以為三逕之資可乎。起為彭澤令。解官賦歸。
去來辭。有酒輒醉。嘗於九日採菊盈把。適太

守王宏遣白衣送酒至。因醉而歸。耻事二姓。
宋召之不起。故朱子書鑑曰。晉徵士云。二十
一。謝靈運。幼穎悟。文章之美。與顏延之。為江
左第一。弟惠連。每對之。輒得佳語。嘗於永嘉
西堂。思詩不就。忽夢惠連。即得池塘生春草
之句。乃云。此語有神助。宋元嘉中。為永嘉守。
肆志遨遊。尋山陟嶺。必造幽謁。著屐上山去
前齒。下山去後齒。厚當作原爵康樂公。二十二。

檀道濟。宋武顧命勲臣。元嘉中伐魏。夜唱籌量砂。平明魏軍見之。不敢逼。妻向氏嘗戒之曰。高世之勲。道家所忌。後為所疑。見收。憤怒。目光如炬。脫幘投地曰。乃壞汝萬里長城。二十三年。明太子明上當姓蕭氏。名統。字德施。梁武帝之子。三歲受孝經論語。五歲徧讀五經。悉通諷誦。性仁孝。美姿容。善舉上。當作止讀書數行並下。自加元服。使省萬機。謬誤巧妄。皆

即辨析平獄多有喜文章善著述聚書至三

萬餘卷有文選三十卷行於世恃當作惜其壽

位不及止於此耳二十四文中子王通字仲

淹初馬當作為舉慨然有濟蒼生之志西遊長

安見隋文帝奏太平十二策不見用楊素波

頗當作禮重之居河汾教授上當作生徒當作續詩書

修元經董常房杜等咸按當作北面受王佐之

道蓋千餘人雖居山澤有廊當作廊廟之志焉

二十五。房元齡字喬。幼警敏。十八舉進士。高

孝基謂裴矩曰。僕聞人多矣。未有如此郎者。

異日當成國器。恨不見其聳壑昂霄年。當作耳

後為唐十八學士首。太宗定社稷功第一。進

左僕射。史封魏。脫句有誤居相位十五年。孜孜奏

當作奉國年七十一而薨。諡文昭。二十六。杜如

晦字克明。少英邁。負大節。孝基見之曰。當為

棟梁用。願保令德。房元齡曰。王佐才也。太宗

即位召進右僕射與元齡共秉政房善謀杜

善斷稱為良相反當作皮日休七愛詩云吾愛

房與杜貧賤共聯步黃閣三十年清風一萬

石當作古封英當作萊國公二十七李靖字藥師

姿貌魁奇嘗謂曰大丈夫當以功名取富貴

何至作章句儒其舅韓擒虎與論兵曰可與

孫吳侔矣牛宏見之曰王佐才也唐貞觀間

出將入相封魏當作衛國公圖形凌烟有兵法

行於世。二十八。李勣。字懋功。唐貞觀中。拜并

州都

下缺

州十六年。帝曰。我用勣守并州。

下缺

二長城遠矣。圖形凌烟。議者以其助立武氏

之失。幾於一言喪邦。原夫太宗出為疊州。高

宗召用。恩意實漸矣。蓋其善將而能論兵。不

知托孤而臨大節。亦用才受任之未明也。為

可戒哉。二十九。尉遲敬德。唐武德初。為右府

參軍。屢立大功。隱太子嘗以書招

當作

之。贈

金四一車。固辭之。秦王曰。公之心如山岳。雖

積金至斗。

當作棟

豈能移之。遂能援主於變。論

功第一。始封吳。改鄂國公。圖形凌烟三十。狄

仁傑。字懷英。兒時門人有被害者。吏就詰衆

方爭辨。仁傑讀書不置。曰。黃卷中方與聖賢

對。何暇偶俗吏語耶。為并州法曹。登太行山。

見白雲孤飛。因指曰。吾親舍其下。雲移乃去。

三十一。姚崇。字元之。開元中以十事要說天

子翌日拜相嘗問齊澣曰余為相何如管晏

封當作對曰公可謂救時之相贊云崇善應變

以成天下之務璟善守法以待天下之正張

說撰碑云八柱擎天高明之位列曰待當作四時

成序亭嘉當作之功序當作云三十二宋璟

耿介有大節初居小官以所作詩當作梅賦

投蘇味道稱之自是知名皮日休云諒其貞

姿勁質剛態毅狀有鐵石心腸不解吐軟媚

語○觀其梅花賦○清便富艷○得南朝徐庾體○殊
不類其為人○拜相封廣平公○三十三○顏真卿○
為平原太守○祿山反○獨倡義討之○元宗嘆曰○
河北二十四郡○無一忠臣耶○及聞討賊○當作賊
喜曰○朕不識顏真卿何如人○所為乃如此○四
朝元老○忠直孝友○羽儀王室○位太師○封魯郡
公○史贊云○雖千五百歲○其英烈信按唐書作言言如
嚴霜○昏當作烈日○可畏而仰哉○三十四○郭子儀○

唐下缺朝平安史之亂功居第一以身繫安

危者二十年效誤字有中書令二十四考八子

七壻皆貴顯諸孫數多當作不能盡識至問

安但領之而已富貴壽考哀榮始終唐書作終始

人臣之道無缺焉代宗常呼為大臣而不名

賜號尚父封汾陽王年八十五而薨諡忠武

若今廿世孫名南者世居上虞縣辟曹史任

常熟縣簿多能聲薦陞知縣著美政巡撫周

亞卿翰林張修撰為作循良傳他日進郡藩

國廊廟

下字缺

非汾陽之報施云三十五李白

字太白母夢長庚入懷而生因命之賀知章
見之嘆曰子謫仙人也召見金鑾殿論當世
事賜食親為調羹詔供奉翰林帝嘗坐沉香
亭名當作作樂章援筆成文婉麗精切欲官
之會高力士以脫靴為耻摘詩以激貴妃沮
之乃浮遊四方騎驢過華陰縣令責之供云

曾用龍中

當作巾

拭唾。御手調羹。力士脫靴。貴

妃捧硯。天子殿前容走馬。華陰縣裏禁騎驢。
令驚謝之。李陽冰序白集。稱千歲獨步。惟公
一人。三十六。杜甫。字子美。少貧。舉進士不第。
天寶末。奏賦。帝奇之。使待制集賢院。後拜右
拾遺。上書救房琯。黜流劔南。依嚴武。表為叅
謀。檢校工部員外郎。嘗從李白。高適。過汴州。
酒酣。登吹臺。慷慨懷古。人莫測也。故昌黎詩

云李杜文章在光焰萬丈長三十七韓文公
名愈字退之唐之文宗李漢序云日光玉潔
周情孔思千態萬貌卒稔道德仁義炳如也

宋璟

當作

贊云以六經之文為諸儒倡學者

仰之如泰山北斗為御史以論宮市貶後遷
刑侍以諫佛骨謫潮州召拜祭酒遷吏侍諡
文公號昌黎先生三十八柳子厚名宗元文
章卓偉第進士中博學宏詞科唐貞元中拜

御史元和中拜柳州刺史。世號柳柳州。文集云。唐之文振。燦然如繁星麗天。芒寒色正。人望而敬之者。五行而已。河東柳子厚。斯人所望而敬者歟。既歿。柳人懷之。為立廟。昌黎為之碑。三十九。白樂天名居易。始生七月。能展書。指之無二字示之。雖百數不差。年十七登進士第。詩云。慈恩塔上題名處。士當作九人中最少年。唐元和中對策。授左拾遺。遷主名。

當作郎中知制誥。晚年放意詩酒。號醉吟先

生。稱香山居士。人繪九老圖。為刑部尚書。四
十。孟東野名郊。貧居苦吟詠。與韓愈張籍等
為友。更倡迭和。愈詩有東野動驚俗。天葩吐
奇芬之句。年五十。調溧陽尉。間往於投金瀨
及積水郊之傍。徘徊賦詩。曹務多廢。今當作
白府以假尉代之。而分其半俸。卒諡貞曜先
生。四十一。賈島字浪仙。工詩。嘗得僧敲月下

門之句。始欲作推字。嘗跨驢引手作推敲勢。
時韓愈作京兆尹。不覺衝至第三節。左右擁
至馬前。以實而對。愈曰。敲字當作佳。遂與為
布衣交。初為法乾寺浮屠。宣宗微行至。欲觀
吟卷。雖不得。御札賜長江簿。故程錡云。騎驢
衝大尹。奪卷忤宣宗。四十二。高太尉名瓊。唐
相士廉之後。宋真宗時。契丹冠當作冠下淵。
適邊當作書告急。一日五至。中外震駭。帝問當作

聞引冠當作冠準未決。準謀於瓊曰。太尉受國

恩。今日有以報乎。對曰。予武人。願效死耳。遂

奏曰。陛下若不過河。百姓如喪考妣。即麾衛

士進聲當作軍渡河。遙見城樓御蓋。衆皆歡呼

萬歲。相視震有脫誤。遂乘勝斬獲大半。請

盟而退。凱旋以檢校太尉進封衛國王。諡武

烈。子十四人。皆知書。長繼勲襲爵。諡穆武。孫

子冊。英宗后。贈宣仁聖烈太后。臨政九年。稱

為女中堯舜。堯舜

衍二字

代有顯官。至高宗南

渡時。七世孫世則為御營使。封太尉。三代襲
爵。子孫遂家於越之山陰。有像有祠。四十三
包拯字希仁。天性嚴厲。未嘗有笑。人謂包公
笑。比黃河清。知端州。歲滿不持一硯歸。為京
兆尹。令行禁止。閭里童稚亦知其名。語曰。關
節不到。有閻羅包老。天下呼為包待制。至今
小兒猶誦詩曰。直榦終為棟。真鋼不作鉤。拜

樞密謚孝肅。四十四。劉雲莊名凝之。為潁上

令。棄官歸。徒

當作徒

廬山之陽。歐公與同年高

其作壯

脫句有賦

廬山高以美之。有丈夫壯節

似君少之句。朱文公守南康。為作壯節亭記。

蘇子由稱其冰清玉剛。廉潔不撓。非今世之

士。人以為白雲老稱之。其雲莊乃自號云。四

十五。司馬光字君實。舉進士甲科。所居蕭然。

圖書盈几。以圓木為警枕。小睡轉覺起讀。七

歲講春秋十五書無不通。音厯天文書數皆極其妙。述資治通鑑。康節言其踏實地。明道云如人參甘草。忠孝誠實。好禮清苦。本於性志。薨贈太師溫國公。哲宗御篆碑曰清忠粹德。朱子贊云上無所傳。下無所授。天資粹美。暗合道妙。其子孫布於夏粵。代有傳人焉。人行四十六。蘇東坡名軾字子瞻。號東坡居士。嘉祐中。歐公考試見其文。語梅聖俞曰。且當

作當

老夫當避此人一頭地。召見宣仁高聖后曰。
先帝每見卿文章。必嘆曰。奇才。奇才。因命坐。
賜茶。以金蓮炆當作炬送歸院。官至內翰。謚文。
忠。贊云。嬉笑怒罵。皆成文章。解羈而歸。紫微。
玉堂云。四十七。黃山谷名庭堅。字魯直。東坡。
薦云。瑰奇之文。妙絕當世。孝友之行。追配古。
人。初與李公擇相見於舒州石牛洞山谷寺。
常遊而樂之。故號山谷道人。謫涪州。別號涪。

翁遷黔州。又號摩圍老人。推為江西詩祖。官

至太史。四十八。邵康節名雍。字堯夫。所居蓬

華環

下缺堵字

不蔽風雨。名曰安樂窩。為甕牖。讀

書宴居。旦則焚香獨坐。晡時飲酒三四甌。自

號安樂先生。云不顯姓名。垂三十年。居洛之

淚

當作濱

風月情懷。江湖性氣。樂道善言。樂行

善事。文公贊云。天挺人豪。英邁萬世。駕風鞭

霆。歷覽無際。年

當作手

探月窟。足躡天根。閑中

今古醉裏乾坤。謚康節。四十九。周濂溪。名惇。

頤。字茂叔。號濂溪先生。山谷云。春當作春陵周。

茂叔。人品甚高。胸中洒落。如光風霽月。雅意。

林壑。初不為窘束。作太極圖及通書。上接洙。

泗。千載之統。下啟河洛。百世之傳。文公贊云。

書不盡言。圖不盡意。風月無邊。庭草交翠。熙。

寧中。除提刑。謚元公。五十。程明道。名顥。當作顯

字伯淳。十歲能為詩賦。十二三居庠序。如老。

成人。與弟頤。以經術為諸儒倡。坐如泥塑人。接人渾是一團和氣。初為監察御史。神宗問。所以為御史。對曰。使臣拾遺補闕。裨贊則可。掇拾短長。以沽直名。則不能。上曰。得真御史。體。俾薦才十數。而以張載及弟頤為首。文潞公表其墓。諡曰明道先生。文公贊云。揚休山立。玉色金聲。元氣之會。渾然而成。五十一。程伊川名頤。字正叔。以經學淑人。呂申公。司馬。

公同薦云。力學好古。安貧守節。年逾五十。不
樂仕進。真儒者之高尚。聖世之逸民。朱光庭
言。乃天民之先覺。聖代之真儒。召授說書。侍
經筵。曰。真侍講也。文公贊云。規圓矩方。繩直
準平。允矣君子。展也大成。號伊川先生。五十
二。張橫渠。名載。字子厚。學問力行為關中士
友宗師。下脫為橫渠先生。在京師。坐虎皮講
易。聽徒甚衆。一夕二程至。次日撤去。曰。二程

深明易道。吾不如諸子。宜師之。歸陝西。故文。

公贊云。早悅孫吳。晚逃佛老。勇撤年當作比。

一變下脫道。有訂頑貶當作愚二銘。正蒙經。

學行於世。官至同知太常禮院。五十三。楊龜。

山。名時。字中立。號龜山先生。初與游定夫謝。

顯道。俱遊明道之門。學有本源。行無玷缺。而。

為一世之儒宗。徽宗朝。為國子祭酒。且當作。

與定夫見伊川。瞑目而坐。二子侍立。既覺。頭。

謂曰賢輩尚在此乎。日既晚且休矣。及出門。雪深二尺。謚文靖。五十四岳。鄂王名飛。字鵬。舉生時有禽若鵬。飛鳴屋上。故名。少負四字缺氣節。好春秋。孫吳兵法。引弓三百斤。善左右射。宋靖唐當作康初。金人南侵。二聖北狩。乃應募。誓以忠義報國。用兵能以寡擊衆。大小百戰。未嘗一敗。及平大盜李成等十數。入覲。賜金絲戰袍。金帶衣甲。御書旗曰精忠岳飛。及

兵勝朱仙鎮。金人已有捐燕以南之懼。時秦
檜主和。詔班師。一日奉金字牌十二。追還。飛
再拜曰。十年之功。廢於一旦。非臣不稱職。實
檜誤陛下也。檜聞銜之。竟為所害。官至少保。
贈太師鄂王。諡武穆。瘞於錢塘西湖之原。墓
木枝葉皆南向。杭鄂咸立廟。五十五。朱晦菴。
名熹。字元晦。居紫陽山下。從學於屏山籍溪。
以誠致之學。得文獻之傳。一心窮造化之原。

盡性情之妙。達聖賢之蘊。以一身體天地之
運。備事物之理。任綱常之責。築室建陽。號雲
谷老人。堂曰晦菴。自號晦翁。晚居考亭。精舍
號滄洲病叟。改號遜翁。除煥章待制。贈太師
徽國公。諡曰文正。自贊云。從容乎禮法之場。
沉潛乎仁義之府。是予蓋有意焉。而力莫能
與。佩先師之格言。奉前列之餘矩。惟闇然而
日。當作修或庶下脫乎斯語。迹其著述。自聖

日自

修或庶

下脫

乎斯語。迹其著述。自聖

人之歿孰能加焉。足可以見義理成於人者
深矣。五十六。張南軒名栻字敬夫。自幼侍父
浚。紹興中拜相。充州陝州宣撫。忠貫日月。孝
通神明。勲國恩民。威震四夷。功垂永世。述四
德銘鑲之於石。栻皆親覽其所見聞。莫非仁
義忠孝之實。及長。學先義利之辨。官至秘閣
修撰。號南軒先生。五十七。呂東萊名祖謙字
伯恭。號東萊先生。隆興初中。宏詞科。除秘書

兼編修奉詔類本朝文鑑當作鑑書籍當作籍除

直閣文公贊云。一身備四氣之和。一心為千

古之秘。維其有足以尊主庇民。出其餘足以

範裕俗當作垂世五十八。蔡西山名元定字季

通。文公嘗曰。造化微妙。唯深於理者能識之。

吾與季通言而不厭也。著洪範解大衍詳說。

律呂新書。皆行於世。學者尊之曰西山先生。

幼穎異。博覽經書。初父以程邵張氏語錄經

世正蒙授焉。乃曰：孔孟正脈也。五十九。蔡九峰名沈，字仲默，西山之子也。研精覃思，博考經籍，註書傳時。緣師文公已病老，二典三謨皆先生之藁也。先以偽學黨起。父曰：吾其不免乎？及貶道州，不辭家，即就遣。侍父徒步行三千餘里，脚為流血，無幾微見於言色。文公視其父子，不異平時。因喟然曰：友朋相愛之情，不挫於志。白有兩得矣。六十真西山名德。

秀字希元。本姓慎。避孝宗諱。改姓真。少篤學。
母吳氏。躬織紵以教。後中宏詞科。帥湖南。潭
人為立生祠。一夕有題於壁者云。舉世知公
不愛名。湘人苦欲置丹青。西方又出一活佛。
南極今添兩壽星。幾百年方鍾間氣。八千春
願修齡。句有不須更作生祠記。四海蒼生口
是銘。進大學衍義。上嘉之。越山居。成名其齋。
曰學易春帖去。當作坐看吳越兩山色。默契

義文千古心參大政諡文公號西山六十一

許魯齋名衡幼端慤與羣兒嬉戲作進退周

旋之節衆莫敢犯時國土日感當作感民皆轉

徙之所書句有脫誤父母以世乳當作亂令與日者

遊欲知占推之術為避難計由是刻意考求

為學之序暨卜兵刑貨利靡不窮究人亦稍

從焉及見姚樞授以程朱易傳註默契於中

乃謂人曰昔所授受殊孟浪也今始得之必

從事於洒掃應對。以為進德之基。遂篤志力行。以竇默薦。陳時務五事。拜中書左丞。集賢大學。下脫士字議興學校。及致仕居家。公愛兼盡。不嚴而整。閨門之內。肅若朝廷。凡昏葬。遵古。不用佛老。懷孟化之。年七十三而卒。戒勿請諡。但書許某之墓四字。朝野莫不哀傷。以為斯道斯民之不幸。自元氏立國。獨許公一人。為道學之倡云。

謹案郭南上虞人初由縣吏校吳江典史宣
德九年知府況鍾與撫按論薦遷常熟知縣
正統九年去任善政甚多詳蘇州府志是冊
言周亞卿即周忱張修撰當即張益字士謙
吳縣人永樂乙未進士嘗官翰林修撰據此
知作是圖者當為正統以前人矣

歷代聖賢名人像 一冊

〔本幅〕紙本。二十三對幅。皆縱一尺三寸七分。橫一尺。設色畫歷代聖賢名人半身像。四十有五。各像籤題。一。周公。二。姜太公。三。楚三閭大夫屈原。四。戰國時楚蘭陵令荀況。五。漢相國鄼侯蕭何。六。漢淮陰侯韓信。七。漢待詔東方朔。八。漢處士嚴君平。九。漢執戟郎楊雄。十。後漢高密侯鄧禹。十一。漢名醫華佗。十二。漢

中郎將蔡伯喈。十三。蜀漢丞相忠武侯諸葛亮。十四。晉征南將軍杜預。十五。晉孫登。十六。晉阮咸。十七。晉太保建昌公謝安。十八。晉康樂公謝元。十九。隋大儒文中子王通。二十。宋丞相趙普。二十一。宋處士陳搏。二十二。宋丞相寇萊公準。二十三。宋丞相陳堯叟。二十四。宋韓魏公琦。二十五。宋丞相文潞公彥博。二十六。宋參政范文正公仲淹。二十七。宋參政

歐陽文忠公修二十八。宋丞相司馬溫公光
二十九。宋丞相王荊公安石三十。宋龍圖學
士包孝肅公拯三十一。宋提刑周敦頤三十
二。宋太常編校蘇洵三十三。宋著作郎邵雍
三十四。宋監察御史程顥三十五。宋崇政殿
說書程頤三十六。宋門下侍郎蘇文定公轍
三十七。宋太史黃庭堅三十八。宋太史秦觀
三十九。宋丞相周益公必大四十。宋右文殿

修撰張栻四十。宋太史呂祖謙四十二。宋
大理寺丞黃幹四十三。宋參政真德秀四十
四。金學士趙景文。當作秉文四十五。無籤題四十
六。空幅。

至聖先賢像 一冊

本幅紙本六十對幅。皆縱一尺一分。橫七寸六分。設色畫至聖先賢半身像。百有二十。各像籤題一。大成至聖文宣王。二。兗國復聖公顏回子淵。三。邾國宗聖公曾參子輿。四。沂國述聖公孔伋子思。五。鄒國亞聖公孟軻。六。費公閔損子騫。七。鄆公冉耕伯牛。八。薛公冉雍仲弓。九。齊公宰予子我。十。黎公端木賜子貢。

十一。徐公冉求子有。十二。衛公仲由子路。十三。吳公言偃子游。十四。魏公卜商子夏。十五。陳公顓孫師子張。十六。單父侯宓不齊子賤。十七。金鄉侯澹臺滅明子羽。十八。高密侯公冶長子長。十九。任城侯原憲子思。二十。北海侯公皙哀季次。二十一。汝陽侯南宮适子容。二十二。曲阜侯顏無繇季路。二十三。萊蕪侯曾點。又蒧子皙。二十四。共城侯高柴子羔。二

十五。須昌侯商。瞿子木。二十六。壽張侯公伯
寮子周。二十七。平輿侯漆雕開子若。二十八。
鉅野侯公西赤子華。二十九。睢陽侯司馬耕
子牛。三十。益都侯樊須子遲。三十一。平陰侯
有若子有。三十二。千乘侯梁鱣叔魚。三十三。
東阿侯巫馬施子旗。三十四。沐陽侯伯虔子
析。三十五。陽穀侯顏辛子柳。三十六。臨沂侯
冉孺子魯。三十七。上蔡侯曹卬子循。三十八。

當陽侯任不齊子選三十九。松當作江侯公

孫龍子石四十。高苑侯漆雕徒父子期四十。

一。馮翊侯秦商。秦商當作秦視秦見後子丕四十

二。雞當作平侯商澤子季。按朱彝尊孔子秀四

十三。雷澤侯顏高子驕四十四。濮陽侯漆雕

哆子斂四十五。上邽侯壤駟赤子徒四十六。

諸城侯冉季子產四十七。成紀侯石作蜀子

明四十八。牟平侯元本脫公良孺子正四十。

九。鉅平侯公夏首奈。首奈當作五十。梁父侯

公肩定子仲。朱彝尊考五十一。膠東侯后處

子里。五十二。新息侯秦冉子開。五十三。滏陽

侯勾井疆。五十四。聊城侯鄒當作單子家。五

十五。富陽侯顏祖子襄。五十六。祁鄉侯罕父

黑子黑。朱彝尊考五十七。濟陽侯奚容蒧子

哲。五十八。淄川侯申黨周。五十九。鄆城侯秦

祖子南。朱彝尊考六十。獻次侯榮旂子祺。六

作鄆城侯

十一。即墨侯公祖句茲子之。六十二。南華侯

左人郢子行。六十三。河源侯按宋史禮志作汧源侯燕

伋子思。六十四。樂平侯原亢又桃子藉。六十

五。武成侯宋史作武城侯縣成子橫。六十六。胸山侯

鄭國子徒。六十七。寃句侯顏之僕子叔。六十

八。胙城侯廉潔子曹朱彝尊考作子廉六十九。建成

侯樂欬又欣子聲。七十。博平侯叔仲會子期。

七十一。堂邑侯顏何子冉。七十二。高堂侯邽

選子飲。又吳子斂。七十三。林慮侯狄黑哲之。

七十四。臨朐侯公西與如子之。朱彝尊考作子上。七

十五。鄆城侯孔忠子蔑。七十六。內黃侯蘧瑗

伯玉。七十七。徐城侯公西蒧子上。七十八。長

山侯林放子正。七十九。臨濮侯施之常子恒。

八十。南頓侯陳亢子禽。八十一。華亭侯秦非

子之。八十二。陽平侯琴張子開。又牢子張。八

十三。文登侯申振。八十四。博昌侯步叔乘子

車八十五。濟陰侯顏噲子聲八十六。泗水侯
孔鯉八十七。中都伯左邱明八十八。蘭陵伯
荀況八十九。臨淄伯公羊高九十。睢陽伯穀
梁赤九十一。乘氏伯伏勝九十二。萊蕪伯高
堂生九十三。岐陽伯賈逵九十四。樂壽伯毛
萇九十五。青城伯宋史作考城伯戴聖九十六。彭城
伯劉向九十七。曲阜伯孔安國九十八。成都
伯楊雄九十九。中牟伯鄭衆一百。高密伯鄭

元一百一。緱氏伯杜子春一百二。扶風伯馬

融一百三。良鄉侯宋史作盧植一百四。新野

伯范甯一百五。滎陽伯服虔一百六。任城伯

何休一百七。偃師伯王弼一百八。司徒杜預

一百九。司空王肅一百十。昌黎伯韓愈一百

十一。道國公周敦頤一百十二。豫國公程顥

一百十三。洛國公程頤一百十四。新安伯邵

雍一百十五。郢伯張載一百十六。溫國公司

馬光一百十七徽國公朱熹一百十八華陽
伯張栻一百十九開封伯呂祖謙一百二十

魏國公許衡魯齋

謹案此冊所題封爵與宋史禮志所載咸淳
三年詔封大畧相同惟宋史於顏曾思孟無
復聖宗聖述聖亞聖名號又周敦頤為汝南
伯程顥為河南伯程頤為伊陽伯與此相異
又此冊於呂祖謙下多許衡一人考元史仁
宗本紀皇慶二年以故中書左丞許衡從祀
孔子廟庭文宗本紀至順元年加封顏子克
國復聖公曾子鄭國宗聖公子思沂國述聖
公孟子鄒國亞聖公河南伯程顥豫國公伊
陽伯程頤洛國公王圻績通考延祐六年追

封周懷頤為道國公與此冊正合蓋前乎此
無許衡後乎此至順至正間又增祀董仲舒
楊時李侗胡安國蔡沈真德秀諸儒即像位
以追溯所繪之時其為至順之初無疑矣

[illegible]

孔子世家像 一冊

本幅絹本。十七對幅。皆縱一尺四寸五分。橫一尺五寸。右書孔子贊祖述堯舜。憲章文武。上律天時。下襲水土。博厚配地。高明配天。覆幬不外。持載無偏。四時錯運。日月代明。大德敦化。小德川行。文孫子思。極讚先德。敬書卷端。以表聖蹟。左清文同。二。右書孔子世家。漢司馬太史遷撰。宋朱文公熹纂。孔子名丘。

字仲尼其先宋人父叔梁紇母顏氏以魯襄

公二十二年庚戌之歲十一月庚子生孔子

於魯昌平鄉陬邑為兒嬉戲常陳俎豆設禮

容及長為委吏料量平委吏本作季氏史索

孟子合為司職吏畜蕃息職見周禮牛人讀

今從之繫養犧牲之所此官適周問禮於老子既反

而弟子益進昭公二十五年甲申孔子年三

十五而昭公奔齊魯亂於是適齊為高昭子

家臣以通乎景公

有聞韶問政二事

公欲封以尼谿

之田晏嬰不可公惑之

有季孟吾老二語

孔子遂行

反乎魯定公元年壬辰孔子年四十三而季

氏強僭其臣陽虎作亂專政故孔子不仕而

退修詩書禮樂弟子彌衆九年庚子孔子年

五十一公山不狃以費畔季氏召孔子欲往

而卒不行

有答子路東周語

定公以孔子為中都宰

一年四方則之遂為司空又為大司寇十年

辛丑相定公會齊侯於夾谷。齊人歸魯侵地。
十二年癸卯。使仲由為季氏宰。墮三都。收其
甲兵。孟氏不肯墮。成圍之不克。十四年乙巳。
孔子年五十六。攝行相事。誅少正卯。與聞國
政。三月。魯國大治。齊人歸女樂以沮之。季桓
子受之。郊又不致。膳俎於大夫。孔子行。魯世家以
此以上皆為適衛。主於子路妻兄顏濁鄒家。
十二年事孟子作通陳過匡。匡人以為陽虎而拘之。顏有

淵後及文王既解還衛主蘧伯玉家見南子

既沒之語有夫子路及未去適宋司馬桓魋欲殺之有

見好德之語生德語及微又去適陳主司城貞子家居三

服過宋事歲而反乎衛靈公不能用有三年有晉趙氏

家臣佛肸以中牟畔召孔子孔子欲往亦不

果有谷子路堅白語將西見趙簡子至河而

返又主蘧伯玉家靈公問陳不對而行復如

陳據論語則絕季桓子卒遺言必召孔子其

糧當在此時

臣止之。康子乃召冉求。史記以論語歸孔子

如蔡及葉。有葉公問答子路不對沮楚昭王

將以書社之地封孔子。令尹子西不可乃止。

史記云書社地七百里恐又返乎衛時靈公

已卒。衛君輒欲得孔子為政。有魯衛兄弟及

路正名而冉求為季氏將與齊戰有功。康子

乃召孔子。孔子歸魯。實哀公之十一年丁巳。

而孔子年六十八矣。有對哀公然魯終不能

及康子語

用孔子。孔子亦不求仕。乃序書傳禮記。有杞

益從周刪詩正樂。有語太師及序易象繫象

說卦文言。有假我數弟子蓋三千焉。身通六

藝者七十二人。弟子顏回最賢早死十四年

庚申。魯西狩獲麟。有莫我孔子作春秋。有知

我等語論語請討明年辛酉。子路死於衛。十

六年壬戌。四月己丑。孔子卒。年七十三。葬魯

城北泗上。弟子皆服心喪三年而去。惟子貢

廬於塚上。凡六年。孔子生鯉。字伯魚。先卒。伯

魚生伋。字子思。作中庸。

子思學於曾子而孟子受業子思之門人

左。清文同。三。右設色畫。

後各幅同

孔子及伯魚像。

左畫聖母禱尼邱事。清漢文題贊。

後各幅同

按家

語云。孔子母徵在。禱於尼邱而生孔子。首上

圩頂象尼邱。因名丘。字仲尼。史記雖不載其

事。然實誕聖之本。故錄於首云。尼山巖巖。魯

邦是瞻。降靈自母。孕聖歸男。既驗以形。遂徵

以名一誠感格萬古文明。四右畫孔子少習
俎豆事。題贊史記。孔子生而叔梁紇死。孔子
為兒嬉戲。常陳俎豆。設禮容。聖父兒嬉。俎豆
是持。登降俯仰。有容有儀。不學而能。不聞而
識。化洽羣童。名傳列國。左畫為委吏事。題贊
孔子既長。嘗為季氏委吏。料量平。朱子曰。委
吏本作季氏史。索隱云。一本作委吏。與孟子
合。今從之。宣聖筮仕。委積是司。會計當理。料

量適宜。才大任卑。安行自得。不貴盡才。所宜
盡職。五。右畫為乘田事。題贊。孔子嘗為季氏
司職吏。而畜蕃息。朱子曰。職讀為櫛。蓋繫養
犧牷之所。此官孟子所謂乘田。於皇尼父。不
卑小官。少登仕版。乃司乘田。我畜既蕃。我職
孔修。素位而行。安用外求。左畫問禮於老聃。
事題贊。孔子與南宮敬叔入周。問禮於老子。
朱子曰。老子曾為周柱下史。故知禮節文所。

以問之。維周柱史。習知禮文。乃枉聖躬。以廓
聖聞。德比重華。好問好察。取人為善。異世同
轍。六右畫齊。歸女樂。孔子去魯事。題贊。齊人
聞孔子為政。懼曰。魯伯我為先并矣。盍致地
焉。黎鉏曰。請先沮之。沮之而不可。則致地。庸
遲乎。於是選女子八十人。皆衣文衣。而文馬
三十駟。以遺魯君。魯君為周游觀。怠於政事。
孔子遂行。望魯相聖。強哉畏威。用夷遏夏。女

樂乃歸邪。遂移正。始難終保。逖矣聖踪。厄哉
吾道。左畫子畏於匡事。題贊。孔子去魯適衛。
去衛適陳。過匡。陽虎嘗暴於匡。孔子狀類陽
虎。匡人拘孔子五日。孔子從者為甯武子。臣
於衛。然後得去。虎暴於匡。聖狀偶同。彼方此
讐。我適此逢。鳳異臬音。麟殊兕跡。匪伊其昏。
惟聖斯厄。七右畫衛靈與夫人同車。孔子去
衛事。題贊。孔子去衛。即蒲。月餘反乎衛。主遂

伯玉家。靈公與夫人同車。使孔子為次乘。孔
子曰。吾未見好德如好色者也。去之。陪臣弱
魯。詐力强齊。所希售衛。或可濟時。何哉。彼昏
德色異好。歸歟歸歟。恐惡當作吾道。左畫與
弟子習禮樹下。桓魋欲害孔子。題贊孔子
去衛適曹。是歲定公卒。孔子去曹過宋。與弟
子習禮大樹下。宋司馬桓魋欲殺孔子。拔其
樹。弟子曰。可以去矣。孔子曰。天生德於予。桓

難其如予何。接淅去齊。微服過宋。秦彼臯狸。
欺我麟鳳。暴不殞義。直能勝阿。天生聖德。難
如之何。八。右畫在齊。聞韶事。題贊。孔子年三
十五。季平子得罪魯昭公。公率師擊平子。平
子與三家共攻昭公。師敗奔齊。孔子適齊。為
高昭子家臣。欲以通乎景公。與齊太師語樂。
聞韶音。三月不知肉味。齊人稱之。雅隨風靡。
音逐政澆。不圖於齊。乃聞舜韶聲。入心通神。

會默識食味尚忘何況他事左畫晏嬰沮封
尼谿事題贊齊景公問政孔子曰政在節財
公說欲封以尼谿之田晏嬰進曰夫儒者滑
稽而不可執法倨傲自順不可以為下君欲
用之以移齊俗非所以先民也後景公語孔
子曰吾老矣弗能用也孔子遂行遲遲去魯
款款就齊所希行道於以濟時田不可封仕
不可苟接漸而行富貴何有九右畫修詩書

禮樂事。題贊。孔子年四十二。魯昭公卒。定公
立。季氏僭於公室。陪臣執國命。故孔子不仕。
退而修詩書禮樂。弟子彌衆。適齊志沮。歸魯。
政荒道不可行。懷器以藏。乃修詩書。正樂定
禮。沾哉沾哉。待價而起。左畫相魯君會夾谷。
事。題贊。定公十年春。公會齊侯於夾谷。孔子
攝相事。獻酬禮畢。有司請奏四方之樂。旌旄
羽袂。鼓噪而至。孔子趨而進。厯階而登。舉袂。

揚言曰。吾兩君為好。夷狄之樂。何為於此。請
命有司却之。景公心怍。麾而去之。有頃。齊有
司請奏宮中之樂。優倡侏儒為戲。孔子趨而
進曰。匹夫而熒惑諸侯者。罪當誅。請命有司
加法焉。景公怯。歸告其羣臣曰。魯以君子之
道輔其君。而子獨以夷狄之道教寡人。使得
罪於魯君。於是齊侯乃遣使歸所侵魯之鄆。
汶陽。龜陰之田。以謝過。齊務力勝。魯以義先。

夾谷之會。善惡著焉。夷不謀夏。正不勝邪。歸
田謝過。力耶義耶。十。右畫一人冠服。負屏坐。
從者環侍。階下一人駐馬。作受檄狀。一人騎
而馳。題識此圖考之孔子家語。無事相合。且
無漢字。不知其詳。故無清字。左畫為大司寇
事。題贊定公十四年。孔子年五十六。大司寇
攝行相事。誅魯大夫亂政者少正卯。與聞國
政。三月。粥羔豚。弗飾賈。男女行者別於塗。道

不拾遺。聖輔秉鈞。皋夔比德。除暴遂良。陽嘘
陰吸。化行周道。仁及草萊。期月而已。豈虛語
哉。十一。右畫去宋過鄭。與弟子相失事。題贊。
孔子去宋過鄭。與弟子相失。孔子獨立郭東
門。鄭人謂子貢曰。東門有人。其類似堯。其項
類皋陶。其肩類子產。然自要以下。不及禹三
寸。累累然若喪家之狗。子貢告孔子。孔子笑
曰。形狀未也。似喪家之狗。然哉。出自東門。顧

瞻徘徊彼二三子。云胡不來。鄙哉鄭人。能識
聖容。既異其狀。復憫其窮。左畫在陳。論桮矢
石砮事。題贊孔子。遂至陳。主司城貞子家。歲
餘。有隼集於陳庭而死。桮矢貫之。石砮矢長
尺有咫。陳湣公問孔子。對曰。此肅慎之矢也。
昔武王克商。分陳以肅慎之矢。桮矢石砮。試
求之故府。果得之。有翩者隼。斃於陳庭。桮矢
石砮。祈聖以明。聖曰。遐哉。本自周武。謂予不

信。請質故府。十二。右畫荷蕢聞磬事。題贊。孔
子過蒲適衛。與弟子擊磬。有荷蕢而過門者。
曰。有心哉。擊磬乎。既而曰。鄙哉。硜硜乎。莫已
知也。斯已而已矣。深則厲。淺則揭。子曰。果哉。
末之難矣。猗歟。聖心。不忘斯世。轍環天下。冀
行厥志。荷蕢何知。蠡測管窺。決去不返。聖豈
難為。左畫學琴於師襄事。題贊。孔子學琴於
師襄子。十日不進。襄子曰。可以益矣。孔子曰。

未得其數也。有間曰：可以益矣。曰：未得其志也。有間曰：可以益矣。曰：未得其為人。有間曰：有所穆然而深思焉。有所怡然高望而遠志焉。曰：丘得其為人。黯然而黑，幾然而長，眼如望羊，非文王誰能為此也。襄子避席下拜曰：師蓋云文王操也。聖無不知，奚襄是師。曰：取其專，以探乃微，得數得志，復得其人，聲入心通。大哉聖神！十三。右畫西見趙簡子臨河。

而返事題贊。孔子既不得於衛。將西見趙簡子。至於河。而聞竇鳴犢。舜華之死也。臨河而歎曰。美哉水洋洋乎。丘之不濟此命也。竇鳴犢。舜華。晉國之賢大夫也。趙簡子未得志之時。須此兩人而後從政。及其已得志。殺之。夫鳥獸之於不義也。尚知避之。而況丘哉。乃還我西。我輟。將見簡子。至河而返。為傷賢士。覆巢鳳遠。諱傷其倫。物類尚然。何況聖人。左畫。

衛靈仰視蜚鴻。孔子去衛事。題贊。孔子返乎
衛。靈公問陳。孔子曰。軍旅之事。未之學也。明
日與孔子語。公見蜚鴻。仰視之。色不在。孔子
遂行。復如陳。時魯定公三年。孔子年六十矣。
嗟嗟衛靈。識凡志。淫耳聆聖語。目視蜚禽。敬
弛於中。怠形於色。色斯舉矣。義不苟得。十四
右畫沮溺耦耕。子路問津事。題贊。明年孔子
自陳遷於蔡。去葉。返乎蔡。長沮桀溺耦而耕。

孔子過之。使子路問津焉。曰。滔滔者天下皆是也。而誰以易之。且與其從避人之士也。豈若避世之士哉。耒而不輟。聖在濟人。周流不止。隱在潔身。潛藏不起。仕兮止兮。各於其時。沮兮溺兮。豈能如斯。左畫厄於陳蔡。事題贊。楚使人聘孔子。孔子將往。陳蔡大夫謀曰。孔子用於楚。則陳蔡危矣。於是乃相與發徒圍孔子於野。不得行。絕糧。從者病。莫能興。孔子

講誦絃歌不衰。於是使子貢至楚。昭王興師迎孔子。然後得免。猗歟聖道。丁此屢屯。既畏於匡。復厄於陳。君子固窮。處困而亨。再絃再歌。不悶不驚。十五。右畫子西沮封書社事。題贊。楚昭王將以書社之地封孔子。令尹子西諫曰。王之使使諸侯。有如子貢者乎。輔相有如顏回者乎。將率有如子路者乎。官尹有如宰予者乎。孔子得據土壤。賢弟子為佐。非楚

之福也。昭王乃止。於是孔子自楚反乎衛。時
孔子年六十三。魯哀公六年也。齊封尼谿。晏
嬰拒之。楚封書社。子西沮之。茫茫列國。竟誰
與之。待價而沽。肯輕處之。左畫孔子歸魯。贊
修刪定事。題贊。哀公十四年丁巳。孔子年六
十八。季康子使人迎孔子。孔子歸魯。終不用
孔子。孔子亦不求仕。乃敎書傳禮記。刪詩正
樂。序易象象繫說卦文言。弟子蓋三千焉。身

通六藝者七十二人。轍環天下。道不可行。曰
歸乎來。修我典型。三千從遊。七十高弟。刪述
六經。垂憲萬世。十六。右畫西狩獲麟事。題贊。
十四年庚申。魯西狩獲麟。孔子感焉。作春秋。
按孔叢子曰。叔孫氏樵而獲麟。衆莫之識。棄
五父之衢。冉有告曰。麋身肉角。豈天之夭乎。
夫子往觀焉。泣曰。麟也。麟。仁獸也。出而死。吾
道窮矣。王降而伯雅亡。而風麟出斃矣。吾道

其窮。既歌以哀。復史以彰。匪徒物感。實為世傷。左畫負杖而歌。子貢問答事。題贊。十六年壬戌。四月己丑。孔子病。子貢請見。孔子方負杖。逍遙於門。而歌曰。太山其頽乎。梁木其壞乎。哲人其萎乎。後七日卒。時年七十三。梁折山頽。哲人斯萎。聆子之歌。知道之哀。逍遙於門。奄忽而病。藏往知來。達生委命。十七。右畫弟子服喪。子貢廬墓事。題贊。孔子葬魯城北。

泗水上。弟子皆服心喪三年畢。相訣各盡哀。惟子貢廬於塚上。凡六年。然後去。弟子及魯人往從塚上而家者。百有餘室。從遊三千。恩義並全。若父無服。心喪三年。既訣而離。哀思孔悲。賢哉。賜也。六載相依。左畫漢高帝以太牢奉祠事。題贊。魯歲時奉祠孔子塚。後世因廟藏孔子衣冠琴書。至漢二百餘年不絕。高皇帝過魯。以太牢祠焉。穆穆廟庭。聖德所尊。

肅肅衣冠聖澤斯存漢祖崇儒躬拜闕里太

牢之祠百代伊始

謹案此冊繪孔子世家事蹟凡三十幅不著
姓名上方清漢文題贊係後人補書圖中冠
服器物亦多不合古制者不知何人所作也

歷代功臣像 一冊

本幅紙本十五對幅皆縱九寸三分橫七寸
設色畫歷代功臣半身像三十各像標題一
周齊太公武成王二吳司馬孫武三越相國
事范蠡四齊司馬田穰苴五魏河西太守吳
起六齊軍師孫臏七秦武安君白起八秦大
將軍王翦九晉太傅羊祜十晉司徒杜預十
一唐西海道行軍大總管李靖十二唐太子

太師李勣十三。唐神兵道大總管蘇烈十四。
唐右領軍衛大將軍薛仁貴十五。唐定襄道
大都督裴行儉十六。唐夏官尚書唐瑋十七。
唐韓國公張仁愿十八。唐尚書左丞相王峻。
十九。唐饒州司馬郭震二十。唐右金吾大將
軍李嗣業二十一。唐臨淮郡王李光弼二十
二。唐尚書令郭子儀二十三。宋曹武穆二十
四。宋王全斌二十五。宋狄樞密二十六。宋劉

光世二十七。宋韓蘄王。二十八。宋張魏公。二十九。宋張循王。三十。宋岳鄂王。

謹案唐書禮樂志。上元元年。尊太公為武成王。祭典與文宣王比。以歷代良將為十哲。象生侍。秦武安君白起。漢淮陰侯韓信。蜀丞相諸葛亮。尚書右僕射衛國公李靖。司馬英國公李勣。列於左。漢太子少傅張良。齊大司馬田穰苴。吳將軍孫武。魏西河守吳起。燕昌國君樂毅。列於右。此封太公為武成王。之緣起也。其後因十哲。又增六十四配。享建中三年。詔史館考定。可配享者。列古今名將。自越范蠡。至唐郭子儀。凡六十四。入圖形。馬此歷代武臣。彙像之緣起也。嗣是或舉或廢。宋建隆中。黜陟有議。宣和中。封爵有加。乾道中。復詔。

有司討論去取繪於殿廡元代從祀止孫武
子以下十人至明初罷祀此冊所繪既稱太
公為武成王餘諸武臣亦皆唐宋以來曾從
祀武成王廟者因祀有像因像核時雖其數
與史所載多寡不符大約出自南宋人之手
筆又按神兵道兵當作邱蘇烈即蘇定方唐
塔即唐休璟郭震即郭元振

唐宋名臣像 一冊

本幅二十二對幅。皆縱八寸五分。橫六寸六分。左絹本。設色畫唐宋名臣半身像二十有二。右紙本。篆書標題一。長孫齊公。二。魏鄭公。三。李衛公。四。陸宣公。五。裴晉公。六。王文正公。七。寇萊公。八。張文定公。九。晏元獻公。十。韓魏公。十一。富鄭公。十二。范文正公。十三。文潞公。十四。端明蔡公。十五。曾魯公。十六。原父劉公。

十七。呂申公。十八。蘇文忠公。十九。曾文定公。
二十。韓儀公。二十一。呂榮公。二十二。元城劉
公。

前副葉

唐宋諸名臣像。隸書

後副葉題跋

右名臣畫像一冊。唐自李衛公。宋自張齊公
而下。通二十二人。諸公勲德文章。師表百世。

百世之下。追思想象不可得而見者。顧予小子。乃得一旦。肅容瞻拜於一堂之上。何其幸哉。宏治辛亥萬壽節日。吳郡李應禎在詹事府之後堂。謹記。鈐印二。李姓印。貞白父。

謹案唐書秦瓊傳載名臣圖形凌煙閣者有司徒趙國公無忌即長孫齊公司空太子太師鄭國公徵即魏鄭公特進衛國公靖即李衛公又按玉海載紹興十八年五月命有司圖配饗功臣像於景靈宮廷之壁有魏忠獻王韓琦即韓魏公魯宣靖公曾公亮即曾魯公韓文忠公富弼即富鄭公魏文定公韓忠彥即韓儀公惟冊內所題王文正公考宋王

旦王曾俱謚文正。景靈宮繪像亦兼列。正公王旦。沂文正公王曾。是冊但題文正公。文不知所屬。此外題陸宣公者。賈策。晉公者。虞冠策公者。率張文定公者。齊賢。晏元獻公者。珠文潞公者。彥博。端明。蔡公者。襄原。父劉公者。敬呂申公者。公著。蘇文忠公者。軾。曾文定公者。呂榮公者。希哲。元城劉公者。安世也。公者。

唐名臣像 一冊

本幅紙本十一對幅皆縱一尺四寸六分橫一尺三分設色畫唐名臣半身像二十有二各像籤題一。房梁公二。杜蔡公三。李衛公靖四。李英公五。尉遲敬德六。殷開山七。王永寧公八。魏鄭公九。孫思邈十。狄梁公十一。唐尚父汾陽忠武王十二。顏杲卿十三。顏魯公十四。唐翰林供奉李白十五。唐劔南節度叅謀

檢校工部員外杜甫十六。唐太尉中書令西
平王李晟十七。陸宣公十八。裴相國度十九。
韓退之二十。柳公權二十一。白樂天二十二。
南唐韓熙載無款印。